



REPUBLIKA E SHQIPËRISË
STRUKTURA E POSAÇME KUNDER KORRUPSIONIT DHE KRIMIT TE ORGANIZUAR
DREJTORIA E EKONOMISË DHE FINANCËS



RAPORTI I MONITORIMIT TË ZBATIMIT TË BUXHETIT

8 mujori i parë 2021

Shtator 2021

Tabela e Përmbajtjes

<i>HYRJE</i>	3
1. Qëllimi dhe objektivat e programit	4
2. Analiza e shpenzimeve faktike të programit	6
3. Analiza sipas llogarive ekonomike në 8 mujorin e parë të vitit 2021 .	8
<i>3.1 Shpenzimet e personelit</i>	9
<i>3.2 Shpenzime për mallra dhe shërbime të tjera</i>	10
<i>3.3 Transferta për buxhete familjare</i>	10
<i>3.4 Shpenzime për Investime Kapitale</i>	10
<i>3.5 Shpenzime nga të ardhurat jashtë limitit</i>	11
<i>3.6 Detyrimet e prapambetura</i>	11

HYRJE

Monitorimi i zbatimit të buxhetit të 8-mujorit të vitit 2021 për Strukturën e Posaçme Kundër Korrupsionit dhe Krimin të Organizuar përfaqëson procesin e vlerësimit të performancës së fondeve buxhetore, nëpërmjet krahasimit të treguesve faktikë të performancës me ato të planifikuar. Strukturat e SPAK-ut kanë kryer monitorimin e treguesve buxhetorë me qëllim ndjekjen në vijimësi të objektivave të synuar në përputhje me planin strategjik të ecurisë së institucionit dhe të gjitha kërkesave ligjore.

Nëpërmjet këtij raporti monitorimi, evidentohet niveli i realizimit të fondeve buxhetore të SPAK-ut në krahasim me planin e miratuar, të detajuar në nivel treguesi performance. Analiza e raportit të monitorimit të zbatimit të buxhetit vjetor i mundëson institucionit orientimin dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit.

Me qëllim për të kontribuar në proceset bazë të misionit dhe objektivave të institucionit buxheti i Strukturës së Posaçme Kundër Korrupsionit dhe Krimin të Organizuar, do të mbështetet plotësisht në udhëzimet standarde të hartimit të buxhetit mbi bazë të treguesve të performancës, por gjithashtu dhe monitorimin e realizimit buxhetor mbështetur mbi ato tregues të planifikuar gjatë hartimi të programit buxhetor afatmesëm.

Ky raport zyrtar do të shërbejë si një pasqyrë e rëndësishme përmes së cilës SPAK do të synojë lidhjen e kostove buxhetore me produktet e performancës, si forma më e mirë e buxhetimit dhe vlerësimit financiar të ecurisë së institucionit.

1. Qëllimi dhe objektivat e programit

Buxheti i akorduar për programin “Veprimtaria e Strukturës së Posaçme Kundër Korrupsionit dhe Krimit të Organizuar”, ka në bazë të tij Deklaratën e Politikës së Programit të hartuar gjatë procesit të PBA 2021-2023 dhe është në funksion të realizimit të Politikës së Programit mbështetur mbi treguesit e performancës së institucionit.

Struktura e Posaçme kundër Korrupsionit dhe Krimit të Organizuar, mbështetur në Ligjin Nr. 95/2016, “Për organizimin dhe funksionimin e institucioneve për të luftuar korrupsionin dhe krimin e organizuar” është një strukturë e specializuar për të ushtruar kompetencat e parashikuara në pikën 1, të nenit 148/dh, të Kushtetutës, për të hetuar korrupsionin dhe krimin e organizuar, si dhe veprat e tjera penale të kryera vetëm nga subjektet e parashikuara në pikën 2, të nenit 135 të Kushtetutës dhe veprat penale sipas përcaktimeve të nenit 75/a të Kodit të Procedurave Penale. Mbështetur mbi prioritetet strategjike të institucionit dhe misionit e vizionit është synuar përmbushja e detyrave kryesore gjatë vitit buxhetor 2021 në luftën kundër korrupsionit dhe krimit të organizuar.

Politika e këtij programi konsiston në hetimin e thelluar të rasteve që lidhen me korrupsionin dhe krimin e organizuar në Republikën e Shqipërisë, duke u përqendruar në çështjet me ndjeshmëri publike dhe arritjen e rezultateve në zbatimin e ligjit që do të përmirësojnë cilësinë e jetës së qytetarëve. Gjithashtu, në objektivat e institucionit qëndron përmirësimi i treguesve të respektimit të ligjit dhe shtetit të së drejtës, përmes përmbushjes së standardeve evropiane të respektimit të ligjit. Një aspekt i rëndësishëm për konsolidimin e plotë është rritja e kapaciteteve të SPAK në vendosjen para ligjit të shkelësve përmes stafit të Prokurorëve dhe Byrosë Kombëtare të Hetimit, por edhe forcimi institucional nëpërmjet rekrutimit cilësor të burimeve njerëzore e mirëmenaxhimit të burimeve financiare.

Hartimi i politikave afatgjata në funksion të arritjes së objektivave strategjike për Strukturën e Posaçme Kundër Korrupsionit dhe Krimit të Organizuar, mbështeten mbi disa nga qëllimet bazë të mëposhtme:

1. Ndjekja dhe zgjidhja e të gjitha rasteve hetimore lidhur me korrupsionin dhe krimin e organizuar në Republikën e Shqipërisë.
2. Rritja e efektivitetit në procesin e hetimit dhe zgjidhjes së rasteve mbi pastrimin e produkteve të lidhura me krimin e organizuar dhe korrupsionin.
3. Forcimi i respektimit të ligjit në drejtim të sekuestrimit dhe konfiskimit të aseteve që rrjedhin nga aktivitetet kriminale.
4. Krijimi i një strukture profesionale hetimore si Byroja Kombëtare e Hetimit që do të japë rezultate nëpërmjet rritjes së efikasitetit të punës në çështjet hetimore për respektimin e ligjit në funksion të Strukturës së Posaçme Kundër Korrupsionit dhe Krimit të Organizuar.

5. Forcimi i kapaciteteve administrative, të afta për tu përgjigjur nevojave gjithmonë e në rritje për përmbushjen e misionit dhe vizionit të institucionit.

Menaxhimi Financiar i Strukturës së Posaçme Kundër Korrupsionit dhe Krimit të Organizuar është fokusuar në financimin e shpenzimeve për përmbushjen e objektivave prioritare strategjike të mëposhtme:

- *Përmirësimin e cilësisë së aktiviteteve të institucionit, duke rritur numrin e çështjeve hetimore në proporcion me problematikat e shkeljes së ligjit për rastet e Korrupsionit dhe Krimit të Organizuar, si dhe duke rritur kapacitetin profesional të punonjësve nëpërmjet trajnimeve.*
- *Krijimi i të gjitha kapaciteteve të nevojshme për Prokurorët, Hetuesit e BKH dhe personelin administrativ, në funksion të arritjes së rezultateve pozitive në luftën kundër krimit të organizuar dhe korrupsionit.*
- *Ofrimi i sigurisë maksimale fizike dhe financiare për personelin hetimor dhe administrativ të Strukturës së Posaçme kundër Korrupsionit dhe Krimit të Organizuar, si një garanci afatgjatë e integritetit Kushtetues të Institucionit.*
- *Zgjerimin e kapaciteteve analizuese dhe përpunuese të informacionit, në funksion të rritjes së eficiencës dhe efektivitetit të ndjekjes së rasteve të problematikave objekt i ligjit dhe aktivitetit të SPAK.*
- *Paraqitjen e një produkti hetimor cilësor, që përkthehet në raste të suksesshme të përfunduara dhe të dërguara për gjykim pranë GJKOK.*
- *Përmirësimin e infrastrukturës së nevojshme për kryerjen e proceseve të punës në shërbim të një trajtimi sa më efektiv të rasteve hetimore.*
- *Pajisjen e punonjësve me bazën e nevojshme materiale si dhe të krijimin e kushteve të përshtatshme të punës për punonjësit.*
- *Mirëmenaxhimin e institucionit, duke aplikuar metodologjitë më të përparuara si në menaxhimin financiar ashtu edhe në trajtimin e burimeve njerëzore.*

Mbulimi e prioriteteve strategjike të institucionit me fondet e mjaftueshme buxhetore, është një synim i cili do ti sigurojë institucionit pavarësinë, qëndrueshmërinë dhe integritetin e nevojshëm për arritjen e rezultateve që përmirësojnë jetën e qytetarëve.

2. Analiza e shpenzimeve faktike të programit 8 mujori i parë 2021

Buxheti i Strukturës së Posaçme Kundër Korrupsionit dhe Krimin të Organizuar për vitin 2021 është miratuar me ligjin nr. 137/2020 “Për buxhetin e vitit 2021” i ndryshuar, ku në total rezulton të jetë planifikuar një vlerë prej 500 milion lekë. Gjatë 8 mujorit të parë 2021, këto burime financiare SPAK si një institucion kushtetues, i ka përdorur në funksion të përmbushjes së plotë të detyrimeve të miratuara me ligj.

Fondet buxhetore të miratuara përmes ligjit vjetor të buxhetit, SPAK i ka administruar për financimin e aktiviteteve në një program të përcaktuar me emertimin “Veprimtaria e SPAK”. Treguesit bazë të realizimit buxhetor për këtë program paraqiten si më poshtë:

Tabela 1: Raporti i shpenzimeve të programit sipas llogarive ekonomike


Në mijë lekë

Art.	Emërtimi	(1) Fakti i vitit paraardhes 2020	(2) PBA Plan Viti 2021	(3) Buxheti Vjetor Plan Fillestar Viti 2021	(4) Buxheti Vjetor Plan i Rishikuar Viti 2021	(5) Buxheti 2021	(6) Fakti 8-mujor	(7)=(6)-(5) Diferenca
600	Paga	112,957.0	342,423.0	342,423.0	330,050.0	330,050.0	135,280.0	-194,770.0
601	Sigurime Shoqërore	10,597.0	38,260.0	38,260.0	48,260.0	48,260.0	12,781.0	-35,479.0
602	Mallra dhe Shërbime të Tjera	24,974.0	89,317.0	89,317.0	76,690.0	76,690.0	19,319.0	-57,371.0
603	Subvencione							0.0
604	Transferta Korente të Brendshme							0.0
605	Transferta Korente të Huaja							0.0
606	Trans per Buxh. Fam. & Individ	50.0					190.0	190.0
Nen-Totali	Shpenzime Korrente	148,578.0	470,000.0	470,000.0	455,000.0	455,000.0	167,570.0	-287,430.0
230	Kapitale të Patrupëzuara							0.0
231	Kapitale të Trupëzuara	18,476.0	30,000.0	30,000.0	30,000.0	30,000.0	1,074.0	-28,926.0
232	Transferta Kapitale							0.0
Nen -Totali	Shpenzime Kapitale me financim te brendshem	18,476.0	30,000.0	30,000.0	30,000.0	30,000.0	1,074.0	-28,926.0
230	Kapitale të Patrupëzuara							0.0
231	Kapitale të Trupëzuara							0.0
232	Transferta Kapitale							0.0
Nen -Totali	Shpenzime Kapitale me financim te huaj	0.0	0.0	0.0	0.0	0.0	0.0	0.0
Totali	Shpenzime Kapitale	18,476.0	30,000.0	30,000.0	30,000.0	30,000.0	1,074.0	-28,926.0
	Shpenzime nga Të ardhurat jashte limiti	0.0				0.0		0.0
	Totali (korrente + kapitale + Shp nga te ardh.jashte limiti)	167,054.0	500,000.0	500,000.0	485,000.0	485,000.0	168,644.0	-316,356.0

Burimi: Drejtoria e Ekonomisë dhe Financës, SPAK (2021);

Pesha specifike sipas llogarive ekonomike të shpenzimeve të planifikuara mbi totalin e shpenzimeve, paraqitet sipas grafikut të mëposhtëm:

Grafiku 1: Pesha sipas llogarive ekonomike e planit të rishikuar të buxhetit 2021




Burimi: Drejtoria e Ekonomisë dhe Financës, SPAK (2021);

Duke marrë në analizë peshën e shpenzimeve sipas llogarive ekonomike mbi totalin e buxhetit të SPAK, ashtu siç mund të konstatohet në grafikun më lart pjesën më të madhe të planit të shpenzimeve buxhetore e zënë llogaria “Paga” në rreth 70%, pas tij llogaria me peshën më të madhe është ajo e “ Mallra dhe shërbime të tjera” me rreth 18%, ndërkohë që “Sigurime” dhe “Shpenzimet kapitale” zënë një peshë mjaft të vogël në vetëm nga 6%.

Duke u mbështetur mbi veprimtarinë bazë të instiucionit, kjo shpërndarje e planit të shpenzimeve buxhetore lidhet drejtpërdrejt me natyrën e punës dhe kërkesat e SPAK për të përmbushur detyrimet ligjore.

Nga ana tjetër, pesha specifike sipas zërave të shpenzimeve faktike të buxhetit 2020 mbi totalin e realizimit, paraqitet sipas grafikut të mëposhtëm:

Grafiku 2: Pesha sipas llogarive ekonomike e realizimit faktik të buxhetit 2020



Burimi: Drejtoria e Ekonomisë dhe Financës, SPAK (2021);

Nëse do të marrim në analizë peshën e llogarive ekonomike ndërmjet atyre të planifikuara dhe të realizuara sipas grafikëve 1 dhe 2 të mësipërm, evidentohet një ndryshim i lehtë i peshës së këtyre shpenzimeve si në buxhetin e planifikuar ashtu edhe në atë të realizuar për 8 mujorin e parë të vitit 2021. Qëndrueshmëria financiare e institucionit dhe ndjekja me rigorozitet e procedurave të menaxhimit financiar publik, kanë udhëhequr veprimtarinë administrative të SPAK.

Gjatë vitit 2021 e në vazhdim, synohet konsolidimi financiar dhe administrativ i institucionit me qëllim arritjen plotësisht të realizimit buxhetor dhe treguesve të performancës të përcaktuar në programin buxhetor afatmesëm 2021-2023. Gjithashtu, gjatë vitit 2021 do të synohet përdorimi me eficiencë dhe efektivitet maksimal të burimeve financiare në raport me rritjen e nivelit të performancës së treguesve të zbatimit të ligjit të Strukturës së Posaçme Kundër Korrupsionit dhe Krimit të Organizuar.

3. Analiza sipas llogarive ekonomike në 8 mujorin e parë të vitit 2021

Realizimi i shpenzimeve sipas zërave për 8-mujorin e parë të vitit 2021, krahasuar me planin vjetor në programin buxhetor “Veprimtaria e SPAK”, paraqitet në pasqyrën e mëposhtme:

Tabela 2: Diferenca Plan/Fakt shpenzimeve të programit sipas llogarive ekonomike.

Art.	Emertimi	(1)	(2)	(3) = (1)-(2)	(4) = (2) / (1)
		Buxheti 2021	Fakti 8-mujor	Diferenca	% e realizimit Plan/Fakt
<i>Ne mijë lekë</i>					

600	Paga	330,050.0	135,280.0	-194,770.0	40.9%
601	Sigurime Shoqërore	48,260.0	12,781.0	-35,479.0	26.4%
602	Mallra dhe Shërbime të Tjera	76,690.0	19,319.0	-57,371.0	25.1%
603	Subvencione			0.0	
604	Transferta Korente të Brendshme			0.0	
605	Transferta Korente të Huaja			0.0	
606	Trans per Buxh. Fam. & Individ		190.0	190.0	0.0%
Nen -Totali	Shpenzime Korrente	455,000.0	167,570.0	-287,430.0	36.8%
230	Kapitale të Patrupëzuara			0.0	
231	Kapitale të Trupëzuara	30,000.0	1,074.0	-28,926.0	3.5%
232	Transferta Kapitale			0.0	
Nen -Totali	Shpenzime Kapitale me financim te brendshem	30,000.0	1,074.0	-28,926.0	3.5%
230	Kapitale të Patrupëzuara			0.0	
231	Kapitale të Trupëzuara			0.0	
232	Transferta Kapitale			0.0	
Nen -Totali	Shpenzime Kapitale me financim te huaj	0.0	0.0	0.0	0
Totali	Shpenzime Kapitale	30,000.0	1,074.0	-28,926.0	3.5%
Shpenzime nga Të ardhurat jashte limiti		0.0		0.0	
Totali (korrente + kapitale + Shp nga te ardh.jashte limiti)		485,000.0	168,644.0	-316,356.0	34.7%

Burimi: Drejtoria e Ekonomise dhe Financës, SPAK (2021);

3.1 Shpenzimet e personelit

Plani i fondeve të akorduara përmes ligjit vjetor të buxhetit 2021, në zërin e shpenzimeve për paga dhe sigurime shoqërore janë në vlerën e rreth 380 milion lekë ose e thënë ndryshe rreth 76% e totalit të buxhetit të Strukturës së Posaçme Kundër Korrupsionit dhe Krimit të Organizuar. Nga ana tjetër në raport me planin buxhetor shpenzimet për paga dhe sigurime janë realizuar në vlerën e rreth 148 milion lekë ose rreth 40% e planit vjetor të miratuara për këtë natyrë të shpenzimeve. Gjatë kësaj periudhe buxhetore, është siguruar ruajtja e qëndrueshmërisë buxhetore në funksion të përmbushjes së objektivave vjetore të plotësimit si të stafit administrativ ashtu edhe të personelit hetimor e administrativ të Byrosë Kombëtare të Hetimit.

Në zbatim të përcaktimeve ligjore të ligjit nr. 95/2016 “Për organizimin dhe funksionimin e institucioneve për të luftuar korrupsionin dhe krimin e organizuar”, procesi i rekrutimit të punonjesve hetimorë dhe administrativë pranë SPAK ka një procedurë specifike dhe mjaft të detajuar ligjore që synon përzgjedhjen e personave nën një set kriteresh për respektimin e integritetit të institucionit. Si pasojë e këtyre procesve që kanë zgjatur në kohë për plotësimin e kërkesave ligjore me prokurorë, oficerët e Byrosë Kombëtare të Hetimit por gjithashtu edhe të personelit administrativ shpenzimet e kësaj natyre kanë rezultuar me këtë nivel mosrealizimi në 4 mujorin e parë të vitit 2021. Ndërkohë gjatë 4 mujorit të dytë të vitit 2021, është plotësuar me personelin e nevojshëm hetimor dhe administrativ Byroja Kombëtare e Hetimit, duke ndikuar në këtë mënyrë në rritjen e shpenzimeve gjatë pjesës tjetër të vitit. Rritja e shpenzimeve të kësaj natyre gjatë 4 ujit të dytë të vitit 2021 është reflektuar në rritjen e nivelit të realizimeve për të gjithë Strukturën e Posaçme Kundër Korrupsionit dhe Krimit të Organizuar.

Gjithashtu, edhe Prokuroria e Posaçme në 4 mujorin e dyte të vitit 2021 ka vazhduar procesin e rekrutimit dhe konsolidimit të strukturave për zbatimin e plotë të kërkesave ligjore të sipërcituara. Në këtë mënyrë gjatë kësaj kohe është shtuar në strukturë një prokuror dhe gjithashtu disa punonjës administrativ të cilët i shërbejnë proceseve hetimore të SPAK.

3.2 Shpenzime për mallra dhe shërbime të tjera

Aktiviteti operacional dhe hetimor i SPAK gjatë vitit buxhetor 2021 është mbështetur nga buxheti i shtetit në llogarinë e mallarve dhe shërbimeve (Llogaria ekonomike 602) në vlerën e planifikuar prej rreth 89.3 milion lekë, fond ky i cili gjatë vitit është transferuar duke rezultuar në planin e rishikuar prej 76.6 milion lekë. Gjatë 8 mujorit të parë të vitit 2021, SPAK nga kjo llogari ka realizuar rreth 19.3 milion lekë ose ndryshe 25% të planit të parashikuar vjetor. Gjatë 8 mujorit të parë të vitit 2021, për shumë produkte dhe shërbime të parashikura në funksion të veprimtarisë ka përfunduar ose është duke përfunduar procesi i prokurimit, pritet që në pjesën e mbetur të vitit të realizohen plotësisht.

Ashtu siç mund të konstatohet në tabelën dhe përcaktimin e mësipërm, ky nivel i realizimit gjatë 8 mujorit të parë të vitit 2021 ka ardhur për shkak se SPAK ka në proces për të zhvilluar disa procedura prokurimi ndërkohë nga ato procedura që janë zhvilluar rezultojnë me eficiencë në përdorimi e fondeve publike duke siguruar shërbimet e produktet ndjeshëm nën fondin limit të përcaktuar. Gjithashtu, një rol të rëndësishëm ka dhe mungesa e personelit hetimor dhe administrativ, e kjo bërë që shumë aktivitetet të planifikuara për tu realizuar priten të realizohen në pjesën tjetër të vitit buxhetor 2021 pas plotësimit që ka ndodhur në 4 mujorin e dytë të vitit 2021.

3.3 Transferta për buxhete familjare

Për vitin buxhetor 2021, për Strukturën e Posaçme Kundër Korrupsionit dhe Krimin të Organizuar është planifikuar si Fond i Veçantë (Llogaria 606) për mbulimin e rasteve të fatkeqësive në përputhje me përcaktimet e vendimit të Këshillit të Ministrave vlere prej 120,000 lekë. Në kushtet kur për shkak të sëmundjeve dhe daljeve në pension ishte i pamundur mbulimi i shpenzimeve me fondin e akorduar, SPAK përmes shkresës nr. 2117/1, datë 23.03.2021 ka kërkuar shtesë fondi në shumën 209,880 lekë, vlerë kjo e cila është miratuar nga Ministria e Financës dhe Ekonomisë. Ky fond gjatë 8 mujorit të parë të vitit 2021 është përdorur në vlerën e 190 mijë lekë, duke mbuluar plotësisht rastet e sëmundjeve të rënda të punonjësve dhe daljes në pension.

3.4 Shpenzime për Investime Kapitale

Në mbështetje të përcaktimeve të ligjit nr. 137/2020 “Për buxhetin e vitit 2021”, është planifikuar për të realizuar në formën e investimeve pranë SPAK vlera prej 30,000 mijë lekë me qëllim mbulimin e shpenzimeve të nevojshme në formën e investimeve. Gjithashtu, evidentohet që nga ky fond gjatë 8 mujorit të parë të vitit 2021 është realizuar një prej projekteve të parashikuara për “Blerje pajisje elektronike” ku nga 1.6 milion lekë fond i planifikuar, është prokuruar në rreth 1.1 milion lekë ose kursimi prej 500 mije lekë. Ndërkohë 2 projektet e tjera të parashikuara, për shkak se janë në procedura prokurimi dhe pritet që nga 4 mujorit i fundit i këtij viti të përfundojnë këto procedura dhe të vazhdojë procesi i likuidimit të detyrimeve kontraktuale që do të krijohen për këto investime.

Struktura e Posaçme Kundër Korrupsionit dhe Krimin të Organizuar, për shkak të specifikave të krijimit në vitin buxhetor 2021, ka parashikuar nga fondet për investime blerjen e automjeteve, pajisjeve të zyrës dhe pajisjeve elektronike që i shërbejnë drejtpërdrejt rritjes së cilësisë së punës në funksion të objektivave të institucionit.

3.5 Shpenzime nga të ardhurat jashtë limitit

Struktura e Posaçme Kundër Korrupsionit dhe Krimin të Organizuar, gjatë 8 mujorit të parë të vitit buxhetor 2021 nuk ka krijuar të ardhura jashtë limiti dhe si rrjedhim të gjitha efektet financiare janë mbuluar brenda buxhetit vjetor të miratuar me ligjin vjetor të buxhetit.

3.6 Detyrimet e prapambetura

Gjatë 8 mujorit të parë të vitit 2021, Struktura e Posaçme Kundër Korrupsionit dhe Krimin të Organizuar, ka likuiduar me korrektesë të gjitha detyrimet të krijuara nga aktiviteti ndaj palëve të treta. Si pasojë e mirëmenaxhimit financiar dhe në përputhje të plotë me aktet ligjore e nënligjore që rregullojnë menaxhimin e sistemit buxhetor në Republikën e Shqipërisë, është realizuar përmbushja e plotë e nevojave të institucionit pa krijuar në asnjë rast detyrime të prapambetura për produkte apo shërbime të përfituara.

Realizimi i produkteve buxhetore në nivel performance për Strukturën e Posaçme kundër Korrupsionit dhe Krimin të Organizuar për 8 mujorin e parë të vitin 2021 paraqiten si më poshtë:

Tabela 3: Raporti I realizimit të objektivave të plotikës së programit

**Treguesit e performancës/Produktet:					
Emërtimi i Treguesit te Performances***/Produktit	Niveli faktik i vitit 2020	Niveli i planifikuar ne vitin 2021	Niveli i rishikuar ne vitin 2021	Niveli faktik ne 8 mujorin e pare te vitit 2021	% e Realizimit te Treguesit te Performances/P roduktit

Raporti midis numrit të çështjeve të përfunduara kundrejt atyre të regjistruara.	0	41%	41%	35%	85%
Raporti midis numrit të çështjeve të dërguara për gjykim kundrejt atyre të përfunduara.	0	66%	66%	50%	76%
Raporti midis numrit të personave të gjykuar kundrejt atyre të regjistruar.	0	96%	96%	70%	73%

Burimi: Drejtoria e Ekonomisë dhe Financës, SPAK (2021);

Për sa konstatohet më lart në tabelën e paraqitur produktet buxhetore të planifikuara në programin “Veprimtaria e SPAK” kanë një nivel realizimi të kënaqshëm në raport me mesataren e planifikuar në fillim të vitit, duke u konsideruar si një rezultat mjaft të lartë në kushtet e argumenteve si më poshtë vijon:

- SPAK është një institucion i krijuar në vitin 2020 dhe si rrjedhim ka operuar në kushtet e mungesës së kapacitetit për formimin e plotë të strukturave;
- Si rrjedhojë e procedurave specifike të rekrutimit është vendosur në funksion të plotë Byroja Kombëtare e Hetimit vetëm gjatë 4 mujorit të dytë të vitit 2021, e cila ka si objekt përmbushjen e plotë të këtyre treguesve të performancës;

Strukturës së Posaçme Kundër Korrupsionit dhe Krimin të Organizuar në vazhdim të treguesve të realizuar gjatë vitit buxhetor 2020, ka marrë një angazhim që gjatë vitit 2021 e në vazhdim të realizojë plotësisht të gjithë treguesit e performancës së përcaktuar. Ky rezultat do të arrihet përmes zbatimit të plotë të metodologjive që rregullojnë Menaxhimin Financiar Publik mbi bazë performance të miratuar nga Ministria e Financave dhe Ekonomisë.

DREJTUES I PROKURORISË

ARBEN KRAJA